

„რესპუბლიკელი“ თუ არაკვალიფიციური?

თიკა გურული

გუშინწინ საქართველოს პრემიერ-მინისტრმა საკუთარ მომხრეებს მოუწოდა, „რესპუბლიკელებზე“ და განსაკუთრებით პარლამენტის თავმჯდომარე დავით უსუფაშვილზე „თავდასხმებისგან“ თავი შეიკავონ.

გუშინ განათლების ახალმა მინისტრმა თამარ სანიკიძემ, მთავრობის პირველივე სხდომაზე, რომელშიც მონაწილეობა მიიღო, ზუსტად საწინააღმდეგო ვააკეთა.

ბაზრძალაბა 80-3 გვარძაბა



ზაალ სამადაშვილი ირაკლი შიხიაშვილმა შეცვალა

თბილისის საკრებულოს ახალი თავმჯდომარე ჰყავს. გუშინდელ რიგგარეშე სხდომაზე ყოფილი „ნაციონალი“ ირაკლი შიხიაშვილი დეპუტატებმა, 24 ხმითი ერთი ნინააღმდეგ, აირჩიეს. ასევე დაამტკიცეს საკრებულოს თავმჯდომარის პირველი მოადგილე გიორგი მუსხელიშვილი. საკრებულოში ირაკლი შიხიაშვილის კანდიდატურას მხარი არ დაუჭირა ფრაქცია „თბილისელების“ თავმჯდომარე გულიკო ზუმბაძემ. მისი განცხადებით, ირაკლი შიხიაშვილი შს სამინისტროს

კადრია. ზუმბაძის ინფორმაციით, ინტერფრაქციული ჯგუფის სხდომაზე წარმოდგენილი იყო დოკუმენტი საკრებულოს თავმჯდომარის პოსტზე ირაკლი შიხიაშვილის კანდიდატურის დაყენების შესახებ და მას ხელს აწერდა საკრებულოს 24 დეპუტატი. ზუმბაძისვე თქმით, ამ დოკუმენტის შესახებ ორი დღის წინ „პოსტფაქტუმ“ გაიგო. ამის გამო, იგი მიიჩნევს, რომ კონსულტაციები საკრებულოს თავმჯდომარის კანდიდატურაზე ფარულად და არაგამჭვირვალედ ჩატარდა.

ფრაქცია „თბილისელების“ თავმჯდომარის განცხადებით, საკრებულოს თავმჯდომარის კანდიდატურა ინტერფრაქციულ რეჟიმში არ განხილულა.

გარდა ამისა, თბილისის საკრებულოს გუშინდელ სხდომაზე ახალმა უმრავლესობამ 13 მუდმივმოქმედი კომისიის თავმჯდომარე აირჩია: ურბანული დაგეგმარებისა და საქალაქო მეურნეობის კომისიის ნიკოლოზ ხაჩირიშვილი უხელმძღვანელებს;

ბაზრძალაბა 80-2 გვარძაბა

ბაჩო ახალაია: სრუ ჩვენებაში პროკურატურის დანაშაული

თავდაცვისა და შს ყოფილი მინისტრი ბაჩო ახალაია პროკურატურას მის წინააღმდეგ ჩვენებების დანერგვასა და საქმის შეთითხნაში ადანაშაულებს. შვიდი სპეცრაზმელის წამების საქმეზე გუშინ ბაჩო ახალაია პირველად დაკითხეს.

როგორც ყოფილი მინისტრმა სასამართლო პროცესზე განაცხადა, მისთვის წაყენებული ყველა ბრალდება უსაფუძვლოა. კერძოდ, პროკურორის შეკითხვაზე - იაღლუჯას საწვრთნელ ბაზაზე ორი სპეცრაზმელი გააშინვლეს თუ არა და უკანა

ტანში გაუყუტეს თუ არა ტოტები „ფოტოს გადასაღებად და ბაჩო ახალაიას სახალისო“, თავდაცვის ყოფილი მინისტრმა განაცხადა, რომ ყველაფერი პროკურატურის მოგონილია.

„ყველაფერი არის თქვენი მოგონილი თავიდან ბოლომდე. ჩვენებებიც თქვენი დანაშაულია. მსგავსი დანაშაული იაღლუჯის ბაზაზე არ მომხდარა და ბრალდება, რომელიც ჩემ წინააღმდეგ გაქვთ განერილი, უსაფუძვლოა. სპეცრაზმელებს რეინჯერის კურსი უტარდებოდათ,“ - განაცხადა ბაჩო ახალაიამ.

პროკურორის თქმით კი, რეინჯერის პროგრამა სისხლის სამართლის საქმეში არ არსებობს და თუკი სპეცრაზმელებს მართლაც ჩაუტარდათ სასწავლო კურსი, რატომ არ არსებობს საქმეში ეს დოკუმენტი. ბაჩო ახალაიამ საპასუხოდ განაცხადა, რომ შს სამინისტროში მისი ყოფილი მოადგილის შალვა ჯანაშვილის ხელმოწერით არსებობს რეინჯერის პროგრამა, რომლის ამოღების საშუალებაც აქვს პროკურატურას.

ბაზრძალაბა 80-2 გვარძაბა

ტენისში პოლიტიკოსის მკვლელობას გაფიცვა მოჰყვა

ხალხის დიდი ნაწილის აღშფოთება გამოიწვია ტენისში ოპოზიციის ერთ-ერთი ლიდერის, მოჰამედ ბრაჰიმის მკვლელობამ. ის იყო მემარცხენე ნაციონალისტური „სახალხო მოძრაობის“ თავმჯდომარე. პოლიტიკოსი ხუთშაბათს დედაქალაქ ტენისში, საკუთარი სახლის წინ მოკლეს.

მკვლელობის დროს მის გვერდით იმყოფებოდნენ მისი მეუღლე და შვილები. მას უცნობმა პირებმა გაუხსნეს ცეცხლი, რომლებიც მოტოციკლებზე ისხდნენ. ჯერ უცნობია, ვინ დგას ამ მკვლელობის უკან.

ბაზრძალაბა 80-4 გვარძაბა



1 აშშ დოლარი	1.85866
1 ევრო	2.18222
1 ინგლისური გირვანქა	2.54194
1 თურქული ლირა	0.86514
100 რუსული რუბლი	5.12714

თბილისი	32°C - 19°C
ქუთაისი	28°C - 17°C
თელავი	32°C - 16°C
ზუგდიდი	28°C - 15°C
ბათუმი	26°C - 18°C

ნავთობი	3.19	+0.00	+0.16%
გაზი	3.58	+0.11	+3.07%
ოქრო	1,743.20	-9.80	-0.56%
ხორბალი	868.50	+12.25	+1.41%

„24 საათის“ ელექტრონული ვერსია იხილეთ Web-გვერდზე **www.24saati.ge** ჩვენი პარტნიორები:

თიბისი ბანკი TBC BANK
ჩვენ ვაძლევთ ერთმანეთს

FM 102.4

ბანკი კონსტანტა BANK CONSTANTA
ISSN 1987 9121

9|771987|912100|>

„დილას“ მოხაზვალ მატოქა აქვსიანაბში ზის



ბრიტოლ ხომტარია

უეფას ევროპის ლიგის მეორე ეტაპის გადასაღების შემდეგ, გორის „დილა“ პირდაპირ ხორვატიაში გაემგზავრა. გორელთა პრესსამსახურის ცნობით, 26 ივლისს „დილა“ დანიიდან სტამბოლში

ჩაფრინდა, იქიდან კი სპლიტში გაემგზავრება. ევროპის ლიგის მესამე საკვალიფიკაციო ეტაპის მატჩისთვის, რომელიც 1 აგვისტოს სპლიტში ადგილობრივ „ჰაიდუკთან“ შედგება, „დილა“ ხორვატიაში მოემზადება.

ბაზრძალაბა 80-7 გვარძაბა

კინობრაჰვიტაცია

ცნობილია ვენეციის კინოფესტივალის საკონკურსო პროგრამა



ნა ვეკა

მსოფლიოს ყველაზე ძველი, ა კლასის ფესტივალის შორის ერთ-ერთი, ვენეციის საერთაშორისო კინოფესტივალი იუბილარია. ვენეცია ფესტივალს 70-ედ მასპინძლობს, რაც ნიშნავს, რომ წლეულად ფესტივალის გამორჩეული და განსაკუთრებული უნდა იყოს არა მხოლოდ სანახაობრივად, არამედ პროგრამის მხრივაც. როგორც წესი, ვენეციის კინოფესტივალს ამ სეგმენტის მხრივ პრობლემა არასდროს არ აქვს და, იმედია, ასე იქნება წელსაც.

ბაზრძალაბა 80-5 გვარძაბა

რიჩარდ ნორლანდი - დანმუხებულები ვართ, საქართველო განვითარებას გააგრძელებს

ჩვენ დარწმუნებულები ვართ, რომ საქართველო გააგრძელებს განვითარებას, - ამის შესახებ საქართველოში აშშ-ს ელჩმა რიჩარდ ნორლანდმა ეროვნულ ბიბლიოთეკაში „ათასწლეულის გამოწვევის“ კორპორაციასა და საქართველოს მთავრობას შორის ხელშეკრულების გაფორმების ცერემონიაზე განაცხადა.

მისივე განცხადებით, დღევანდელი შეხვედრა კიდევ ერთხელ ადასტურებს, რომ საერთაშორისო თანამეგობრობა დინტერესებულია, საქართველოს მხარი დაუჭიროს და ქვეყანას დემოკრატიის განვითარებაში დაეხმაროს.

„ეს არის დადასტურება, რამდენად ენდობა ამერიკის შეერთებული შტატები საქართველოს. ეს ნდობა ემყარება არა მარტო წარსულ წარმატებულ თანამშრომლობას, არამედ იმას, რომ დანმუხებულები ვართ, საქართველო გააგრძელებს განვითარებას,“ - განაცხადა რიჩარდ ნორლანდმა.

ამერიკის შეერთებული შტატების ელჩი მიესალმა პრემიერ-მინისტრ ბიძინა ივანიშვილის განცხადებას წინასაარჩევნო კამპანიის მიმდინარეობისას ძალადობის დაგმობის შესახებ.

ელჩის განცხადებით, პრემიერმა ცალსახა კომენტარები გააკეთა და წინასაარჩევნო კამპანიის პერიოდში ძალადობის ყოველგვარი გამოვლინება დაგმო.

ამასთან, როგორც „ათასწლეულის გამოწვევის“ კორპორაციის დირექტორმა დანიელ იოჰანესმა ხელმოწერის ცერემონიისას აღნიშნა, ხელშეკრულების გაფორმება კიდევ ერთი დადასტურებაა იმისა, რომ თუ რამდენად წარმატებული ურთიერთობა არსებობს ამერიკის შეერთებულ შტატებსა და საქართველოს შორის. მისივე თქმით, „ათასწლეულის გამოწვევის“ კორპორაციის პირველი კომპაქტი დამყარებულია მნიშვნელოვან ფასეულობებზე და მეორე კომპაქტი ამ მიმართულების გაგრძელება იქნება.

დავით ბაქრაძე - დიპლომატიური კორპუსის წარმომადგენლები ზუგდიდში მომხდარი ინციდენტის გამო შეშფოთებულები არიან

ამის შესახებ ჟურნალისტებს გუშინ დავით ბაქრაძემ დიპლომატიური კორპუსისა და „ნაციონალური მოძრაობის“ ლიდერებს შორის გამართული შეხვედრის შემდეგ განუცხადა.

როგორც საპარლამენტო უმცირესობის ლიდერი აცხადებს, დიპლომატიებს შეხვედრაზე აღნიშნეს, რომ ძალადობა დაუშვებელია.

„დღევანდელი შეხვედრის ძირითადი თემა იყო საარჩევნო კამპანიის მიმდინარეობა. ჩვენი მეგობრები განსაკუთრებით შეშფოთებულები არიან ზუგდიდში მომხდარი ინციდენტის გამო, რადგან ძალადობა დაუშვებელია და იმ შემთხვევაში, თუ საარჩევნო კამპანია ძალადობრივ ფონზე წარიმართება, ეს ძალიან დიდი კითხვის ქვეშ დააყენებს არჩევნების თავისუფლებას და საქართველოს ევროპულ მომავალს,“ - განაცხადა დავით ბაქრაძემ.

მისივე თქმით, საერთო ინტერესს უნდა წარმოადგენდეს, რომ არჩევნები დაცული იყოს ძალადობისგან და თავისუფალ გარემოში წარიმართოს.

„იმედი მაქვს, ხელისუფლება არა მხოლოდ განცხადებებით, არამედ ნაბიჯებით და კონკრეტული მოქმედებებით დაადასტურებს იმას, რომ საქართველოში არჩევნები თავისუფლად ჩატარდება. ეს უნდა იყოს ჩვენი საერთო ამოცანა. ჩვენ, როგორც ოპოზიცია, დინტერესებული ვართ, რომ საარჩევნო პროცესი წარიმართოს ნორმალურ გარემოში და თუ ხელისუფლება ამისკენ ნაბიჯებს გადადგამს და აღკვეთს ძალადობას, ჩვენ მართლაც გვექნება შანსი, ჩავატაროთ თავისუფალი არჩევნები და ამით მოვიგოს საქართველოს მომავალმა,“ - განაცხადა დავით ბაქრაძემ.

დავით ზალკალიანი - ოკუპირებულ ტერიტორიაზე ნებისმიერი სახის სამხედრო მოქმედება არაკანონიერია

ოკუპირებულ ტერიტორიაზე ნებისმიერი სახის სამხედრო მოქმედება არაკანონიერია, - ამის შესახებ საქართველოს საგარეო საქმეთა მინისტრის პირველმა მოადგილემ დავით ზალკალიანმა აფხაზეთში მიმდინარე წვრთნების თემაზე ჟურნალისტებთან საუბრისას განაცხადა.

მისივე თქმით, აღნიშნული ქმედება საერთაშორისო სამართლის ნორმის დარღვევაა.

ზალკალიანის განმარტებით, აფხაზეთში მიმდინარე პროცესების შესახებ ინფორმირებულნი არიან საერთაშორისო თანამეგობრობა, შენევის თანათავმჯდომარეები, ასევე ევროკავშირის ხელმძღვანელობა.

„ჩვენ მუდმივად ვაკეთებთ მონიტორინგს და საერთაშორისო თანამეგობრობა საქმის კურსშია ჩაყენებული,“ - განაცხადა დავით ზალკალიანმა.

პირველი გვირგვინი

ადგილობრივი თვითმმართველობის რეფორმების კომისიას - მამუკა კაციტაძე; ეკონომიკური განვითარებისა და სტრუქტურული ცვლილებების კომისიას - ზაურ დოლიძე; სარეგიონული კომისიას - მიხეილ ქავთარაძე; ჯანდაცვისა და სოციალურ საკითხთა კომისიას - მკავე გვარამია; ქონების მართვისა და საფინანსო-საბიუჯეტო კომისიას - ნინო თევდორაძე; განათლებისა და კულტურის კომისიას - ზურაბ გაჩეჩილაძე; საერთაშორისო ურთიერთობის კომისიას - კახა გურული; ადამიანის უფლებათა და საზოგადოებასთან ურთიერთობის კომისიას - კახა კუკავა; იურიდიული საკითხთა კომისიას - დავით ჯინჭარაძე; სპორტისა და ახალგაზრდულ საქმეთა კომისიას - გელა ომანიძე; გარემოს დაცვის კომისიას - კახაბერ ფირუაშვილი და სახელდებისა და სიმბოლიკის კომისიას - ნათელა მჭავარიანი.



სხდომაზე ასევე თანამდებობიდან გადააყენეს სამი კომისიის თავმჯდომარეების მოადგილეები - მარიამ დიდუბაძე, მერაბ რაფაია და ვახტანგ ცაგარეიშვილი. ასევე თანამდებობიდან გათავისუფლდა თბილისის საკრებულოს აპარატის უფროსი მარინა დათუაშვილი. საკრებულომ 25 ხმით ამ თანამდებობაზე გიორგი ფიცხელაურის კანდიდატურა დაამტკიცა.

რიგგარეშე სხდომამდე კი თბილისის საკრებულოში პლენარული სხდომა გაიმართა, რომელზეც დეპუტატებმა საკრებულოს თავმჯდომარის კანდიდატიდან ზაალ სამადაშვილი გადააყენეს. ამ საკითხს ხმა მისცა 25-მა დეპუტატმა არც ერთის წინა-

ბარო ახალაია: ცრუ რვენებები პროკურატურის დანაშაულის

პირველი გვირგვინი

„აღნიშნული დოკუმენტის გამოთხოვის საკანონმდებლო შესაძლებლობა მე არ მაქვს და მამარჯემს ხომ არ დავანერინებ ამ პროგრამას. ეს ინახება შს სამინისტროში შალვა ჯანაშვილის ხელმოწერით, თქვენ გაქვთ შესაძლებლობა, გამოითხოვოთ, მაგრამ ამას არ აკეთებთ,“ - მიმართა ბარო ახალაიამ პროკურორს.

ასევე, მან გაიხსენა ის პერიოდი, როდესაც შს სამინისტროს დანაყოფის რეინჯერის კურსით მომზადება გადაწყვიტა. ბარო ახალაიას თქმით, როდესაც შს საქმეთა მინისტრი გახდა, შეამოწმა სამინისტრო და გამოავლინა, რომ სპეცრაზმის დანაყოფი მოუმზადებელი იყო. ახალაია იხსენებს, რომ მან თავის მოადგილეებთან - შალვა ჯანაშვილთან და ნიკა ძიმცივიშვილთან ერთად მიიღო აღნიშნული დანაყოფის მომზადების გადაწყვეტილება, რის საფუძველზეც ისინი იალღუჯას საწვრთნელ ბაზაზე გადაიყვანეს. ბარო ახალაია აცხადებს, რომ თუკი საშუალება მიეცემოდა, აღნიშნული დანაყოფიდან ძალიან ბევრს გაათავისუფლებდა, რადგან დანაყოფი ძალიან დაბალი დონის იყო. ამაზე პასუხისმგებლობას კი ახალაია თავის ყოფილ მოადგილეს შალვა ჯანაშვილს აკისრებს.

ყოფილი მინისტრის განცხადებით, მეტი დრო რომ ჰქონოდა, აღნიშნული დანაყოფის დიდ ნაწილთან ერთად, შალვა ჯანაშვილისა და გაათავისუფლებდა თანამდებობიდან. მისი შეფასებით, ის დანაყოფი, რომელზეც სისხლის სამართლის საქმეშია საუბარი,

ყველაზე სამარცხვინო დანაყოფი იყო.

გუშინდელ პროცესზე პროკურორმა შაქრო ზაალიშვილმა ბარო ახალაიას ჰკითხა - ადგილი ჰქონდა თუ არა სპეცრაზმელებზე პოლიტიკური ზემოქმედებას. „არჩევნებში „ნაციონალებს“ რომ გაემარჯვათ, მაგ შეკითხვის დასმას ხომ ვერ გაბედავდით? არანაირი პოლიტიკური ნიშნით არ მომხდარა ზემოქმედება,“ - უპასუხა პროკურორს ყოფილმა მინისტრმა. ბარო ახალაიას თქმით, აღნიშნულ სისხლის სამართლის საქმის ფარგლებში დაზარალებულ სპეცრაზმელებზე არანაირი პოლიტიკური ანგარიშსწორება არ მომხდარა და მათ მიმართ განხორციელებული ქმედებები წვრთნის ნაწილი იყო.

გუშინდელ პროცესზევე დაკითხეს სწავლებისა და წვრთნების მონიტორინგის სამსახურის მოქმედი უფროსი დავით მაყიშვილი. მისი განცხადებით, რეინჯერის კურსის გავლისას მთავარი პრინციპი ფსიქოლოგიური ზეწოლა და კურსი მოიცავს როგორც ფიზიკურ, ასევე სიტყვიერ შეურაცხყოფას. სწავლებისა და წვრთნების მონიტორინგის სამსახურის უფროსმა აღნიშნა, რომ მას საფრანგეთში აქვს გავლილი რეინჯერის კურსი. დავით მაყიშვილის თქმით, რეინჯერის პროგრამაში ყოველთვის იწერება თემები, ხოლო ინსტრუქტორის იდეები პროგრამის მიმდინარეობისას შეიძლება ისე განხორციელდეს, რომ მასში ეს იდეები არ იყოს განხორციელებული.

„ინსტრუქტორს შეიძლება, ახალი იდეა დაეებადოს, თუ როგორ მოახდინოს ფსიქოლოგიური ზეწოლა კურსანტზე. ეს შეიძლება იყოს ხელზე მიბმა, მუხლებზე დაბმა - ეს ინსტრუქტორის გადასაწყვეტია. თუ გინდა, რომ საქართველოში ადამიანი წყობილებიდან გამოიყვანო, უნდა შეაგინო. ეს მხოლოდ რეინჯერის კურსზე არ დადგენილა და აბსოლუტურად დასაშვებია კურსანტის მიმართ სიტყვიერი შეურაცხყოფა, მათ შორის გინება,“ - განაცხადა პროცესზე დავით მაყიშვილმა. მანვე ბარო ახალაიას ადვოკატების შეკითხვების საპასუხოდ აღნიშნა, რომ აბსოლუტურად დასაშვებია, რომ რეინჯერის კურსანტმა 10 დღის განმავლობაში იშომილოს, თუმცა პროგრამის განხორციელებისას სრულად შიმშილობა დაუშვებელია.

„პროგრამაში არის თვითგადარჩენის კურსი და 10 დღე აშიმშილებენ კურსანტს, თუმცა, მას აძლევენ საშუალებას, რომ საკვები და წყალი მოიპოვოს,“ - დასძინა დავით მაყიშვილმა. სწავლებისა და წვრთნების მონიტორინგის სამსახურის უფროსმა ასევე თქვა, რომ სპეცრაზმელს რეინჯერის კურსი გავლილი უნდა ჰქონდეს.

„ამ კურსის გავლისას იმ დონეზე ვარ მისული, რომ ერთი ერთზე ღმერთს ვესაუბრებოდი. იყო მომენტი, როდესაც ჩემს მეწყვილეს დედამისი ეჩვენებოდა. დღის განმავლობაში შესაძლებელია, ფიზიკური ტრავმებიც მიიღოს,“ - განაცხადა დავით მაყიშვილმა და განმარტა, რომ კურსიდან ადამიანებს მხოლოდ და მხოლოდ ექიმის დასკვნის საფუძველზე ხსნიან.

ბარო ახალაიას ადვოკატებმა მაყიშვილს ჰკითხეს, „არის თუ არა შესაძლებელი, რომ კურსის

აღმდეგ. სხდომას საკრებულოს უკვე ყოფილი თავმჯდომარე ზაალ სამადაშვილი არ დასწრებია, რის გამოც თავმჯდომარის მოვალეობა ფრაქცია „ქართული ოცნება - დემოკრატიული საქართველოს“ წევრმა ჯაბა სამუშიამ შეასრულა. მან საზოგადოებას „ერთპარტიული დიქტატურის დასრულება“ მიულოცა.

სხდომას, საზოგადოებრივი ინტერესებიდან გამომდინარე, ნატოს სამეკავშირეო ოფისი - საქართველოს“ ხელმძღვანელი უილიამ ლაპიუ, არასამთავრობო და საერთაშორისო ირგანიზაციების წარმომადგენლები ესწრებოდნენ.

პლენარულ და რიგგარეშე სხდომებს შორის კი ახალი უმრავლესობის წევრებმა საკრებულოს თავმჯდომარის კანდიდატურის შესახებ საბოლოო კონსულტაცია გამართეს, რომლის შედეგადაც ირაკლი შიხიაშვილის კანდიდატურაზე შეჯერდნენ.

გავლის დროს ადამიანი გააშიშვლო და უკანა ტანში ჯოხი გაუკეთო? - როგორც საქმის ერთ-ერთ ეპიზოდშია ნახსენები. ამაზე მაყიშვილმა აღნიშნა, რომ უკანა ტანში ჯოხის გაკეთების ფაქტი მას რეინჯერების კურსის პროგრამაში არ სმენია.

ბარო ახალაიას ბრალად ედება განსხვავებული პოლიტიკური შეხედულებების გამო სპეცრაზმის 7 თანამშრომლის წამების ორგანიზება იალღუჯას საწვრთნელ ბაზაზე. საქმეში არსებობს 7 დაზარალებული, ხოლო ბრალი ნაყენებული აქვს 8 პირს. მათგან პატიმრობაში მხოლოდ ბარო ახალაია იმყოფება, დანარჩენი პირების ნაწილს საპროცესო შეთანხმება გაუფორმდა, ნაწილი კი - გირაოს სანაცვლოდ პატიმრობიდან გაათავისუფლეს. განაჩენი, საგარეუდოდ, 2-3 პროცესში დადგება.

რაც შეეხება მეორე საქმეს, რომელიც ე.წ. სამხედროების წამებასა და თავისუფლების უკანონოდ აღკვეთას ეხება, სასამართლო პროცესი დღეს, 12:00 საათზე დაიწყება. სხდომაზე ადვოკატები დაცვის სიტყვას იტყვიან.

როგორც ჟურნალისტებს ბარო ახალაიას ერთ-ერთმა ადვოკატმა მალხაზ ველიჯანაშვილმა განუცხადა, დასკვნითი სიტყვის დასრულების შემდეგ სასამართლო კამათის ეტაპზე გადავა, რის შემდეგაც ბრალდებულებს საბოლოო სიტყვის თქმის საშუალება მიეცემა.

„თუ სასამართლოს დრო ეყოფა, შეუძლია, განაჩენი ხვალვე გამოაცხადოს,“ - განაცხადა გუშინ მალხაზ ველიჯანაშვილმა.

გაზეთი "24 საათის" გამომცემელი შპს "მეპ". რედაქტორ-გამომცემლები:

მამუკა ფაჩუაშვილი, პაატა ვუშაძიძე.

რედაქცია: სოფიკო ჩხაიძე (მთავარი რედაქტორი), რედაქტორები: მაია ქალაგანიძე (საზოგადოება, Weekend), ინგა ალაიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი)

სოფო კილაშონია (რევიუ), კახა ფაჩუაშვილი (სპორტი). რეკლამის და მარკეტინგის მენეჯერი ირაკლი ლეჟავა ტელ: 899 22 09 49. კომპიუტერული ცენტრი: ირმა ჯიშკარიანი, თენგიზ ჭირია, ნინო ყველაშვილი რედაქციის მისამართი: ქ თბილისი, კოსტავას ქ. № 68, საზოგადოებრივი მესურველები, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

რუსმა ჰაკერებმა ასობით მილიონი მოიპარეს

ხუთშაბათს ნიუ-იორკის ფედერალურმა პროკურატურამ ოფიციალურად წაუყენა ბრალი რუსეთის მოქალაქეებს ალექსანდრე კალინინსა და ნიკოლაი ნასენკოვს კომპიუტერების გატყევაში, თაღლითობასა და პირადი მონაცემების მოპარვაში. ბრალის დამტკიცების შემთხვევაში მათ 30 წლით თავისუფლების აღკვეთა ემუქრებათ. ბრალდების მიხედვით, 2005-დან 2008 წლამდე მათ სხვადასხვა ფინანსური დანესებულებების კომპიუტერები გატყვეს, საბანკო ანგარიშების მონაცემები მოიპარეს, რაც შემდგომში მილიონობით დოლარის გამოსატანად გამოიყენეს. „ბი-ბი-სი“-ს ინფორმაციით, დაზარალებულ ფინანსურ დაწესებულებებს შორის არიან „სტიბანსკი“ და „PNC“ ბანკი. პლასტიკური ბარათებით დამანაშავეები ფული მსოფლიოს სხვადასხვა ქვეყნებში გამოჰოქონდათ, მათ შორის დიდ ბრიტანეთში, რუსეთში, ამერიკასა და თურქეთში. ამ დროისთვის არც ერთი მათგანი არ არის დაპატიმრებული.

ერაყში თავდასხმების სერიას ათობით ადამიანი ემსხვერპლა

ადგილობრივი ხელისუფლების განცხადებით, ერაყში თავდასხმების სერიას, სულ მცირე, 31 ადამიანი ემსხვერპლა. ქალაქ მადინაში აფეთქება ერთ-ერთ კავშირს მოხდა. რამდენიმე დღის წინ კი ერაყის ორ ციხეს დაესხნენ თავს, საიდანაც ასობით პატიმარი გაიქცა. თავდასხმაზე პასუხისმგებლობა „ალ ქაიდა“ აიღო. გაქცეულებს შორის „ალ ქაიდას“ არაერთი წევრია, ზოგ მათგანს სიკვდილიც ჰქონდა მისჯილი.

სირიის ოპოზიცია ჭონ კერის იარაღით სწრაფად დახმარებას სთხოვს

ხუთშაბათს სირიის ოპოზიციის ლიდერმა ამერიკის სახელმწიფო მდივან ჯონ კერის უთხრა, რომ ქვეყანაში „გამოუვალი“ ვითარება და ამერიკას მემარჯობებისთვის იარაღის სწრაფად მიწოდებისკენ მოუწოდა. გაეროს მონაცემებით, 2011 წლის მარტში დაწყებულ კონფლიქტს 100 000 ადამიანი ზე მეტი შეენირა. რეალური მონაცემები ამ ციფრს, დაახლოებით, ერთი მესამედით აჭარბებს. ამერიკის პრეზიდენტი ბარაკ ობამა სირიის ომში ჩარევისგან თავს იკავებს. ცოტა ხნის წინ კი კონგრესი თეთრი სახლის მიერ სირიის ოპოზიციის შეიარაღებაზე, ფაქტობრივად, დათანხმდა, თუმცა კონგრესმენებს მაინც ალელვებთ ის ფაქტი, რომ იარაღი შესაძლოა, ისლამისტი ექსტრემისტების ხელში მოხვდეს - მაგალითად, ისეთის, როგორც „ჯებჰატი ალ-ნუსრა“.

„ამერიკის სამხედრო დახმარება სასიცოცხლოდ მნიშვნელოვანია და ეს რაც შეიძლება სწრაფად უნდა მოხდეს, რათა მოქალაქეები და საკუთარი თავი დაიცვათ,“ - აღნიშნავს სირიის როგონული კოალიციის ახლად არჩეული ლიდერი აჰმედ ალ-ჯარბა, რომელიც ცოტა ხნის წინ ნიუ-იორკში ამერიკის სახელმწიფო მდივან ჯონ კერის შეხვდა. პარასკევს ჯარბა და ოპოზიციის კიდევ სამი წარმომადგენელი ნიუ-იორკში გაეროს უშიშროების საბჭოში გამართავენ შეხვედრას. ცოტა ხნის წინ ჯარბა და ამბოხებულებების სამხედრო მეთაური, გენერალი სალიმ იდრისი საფრანგეთში პრეზიდენტ ფრანსუა ოლანდს შეხვდნენ.

აშშ-ს გენერალი: ავღანეთში „ალ ქაიდას“ ასზე ნაკლები წევრი დარჩა

ამერიკელი გენერლის ჯოსეფ ოსტერმანის თქმით, ავღანეთში „ალ ქაიდას“ მცირე სახსრები კვლავ რჩება, თუმცა მსხვილი თავდასხმების მოწყობა თითქმის აღარ შეუძლია. გენერალ ოსტერმანის თქმით, რომელიც ავღანეთში ნატოს ძალების მეთაურის მოადგილეა, „ალ ქაიდას“ მებრძოლების მცირე ნაწილი, ძირითადად, ნურისტანის პროვინციაშია თავმოყრილი: „ისინი ასზე ნაკლები არიან და, ფაქტობრივად, გადარჩენისთვის იბრძვიან,“ - განუცხადა გენერალმა გუშინ „როიტერს“.

მაშინ როდესაც ნატოს წარმომადგენლები აღნიშნავენ, რომ ამ პროვინციაში „ალ ქაიდას“ გავლენიანი ფიგურები ლიკვიდირებულნი არიან, ავღანელი სამხედროების ინფორმაციით, პროვინციაში ზოგიერთი უბანი შესაძლოა, შეიარაღებული მებრძოლების - იგულისხმება „თალიბანი“ - კონტროლქვეშ გადავიდეს. ამ რაიონში შეიარაღებული მებრძოლების წინააღმდეგ ამერიკა აქტიურად იყენებს უშიშროებას საფრენ აპარატს, რასაც ზოგჯერ მშვიდობიანი მოსახლეობის მსხვერპლი ახლავს. ცოტა ხნის წინ ამერიკამ ყატარში „თალიბანთან“ სამშვიდობო პროცესი დაიწყო, თუმცა მოლაპარაკებები ამჟამად შეფერხებულია. ამერიკის მხარის უმთავრესი მოთხოვნაა, „თალიბანმა“ „ალ ქაიდასთან“ ყველა კავშირი განწყვიტოს.

იტალიაში 50 მაფიოზი დააკავეს

იტალიის პოლიციის განცხადებით, რომსა და მის შემოგარეში მაფიის წინააღმდეგ ბრძოლის ყველაზე მსხვილი ოპერაცია ჩაატარეს. გავრცელებული ინფორმაციით, ოპერაციის შედეგად 50-ზე მეტი ადამიანი დააკავეს, რომელთა დიდი ნაწილიც რომსა და მის გარეუბნებში ნარკოტიკების გავრცელებაშია ეჭვმიტანილი. ოპერაციაში 500 პოლიციელი, ძალები, ვერტმფრენები და სანაპირო პატრული მონაწილეობდა. ამასთან, პოლიციამ მათიზების დასაჭერად იტალიის სამხრეთში, კალაბრიაშიც ჩაატარა ოპერაცია.

„სამსუნგის“ მოგება 1,5-ჯერ გაიზარდა

კომპანია „სამსუნგის“ მოგება 2013 წლის მეორე კვარტალში, წინა წლის ამავე პერიოდთან შედარებით, 50 პროცენტით გაიზარდა. კომპანიის განცხადებით, სამხრეთ კორეული კომპანიის სუფთა მოგებაში, აპრილიდან ივნისის ჩათვლით, 6,96 მილიარდ დოლარს მიაღწია. ანალიტიკოსები მოგების გაზრდას სმარტფონ „Galaxy S“-ის წარმატებული გაყიდვებით ხსნიან.

მოამზადა თამთა კახაძემ

უკრაინელაზს „სრულიად რუსეთის იმპერატორის“ ვიზიტი აღიზიანებთ

ივა შილაკაძე

რუსეთი, უკრაინა და ბელარუსი რუსეთის გაქრისტიანების 1025 წლისთავს არნახული და მრავალმნიშვნელოვანი მასშტაბით აღნიშნავენ. ზეიმი პარასკევს რუსეთში დაიწყო და კიევში გადაინაცვლა, სადაც სპეციალური მატარებლით უკვე ჩავიდა მოსკოვის და სრულიად რუსეთის პატრიარქი კირილი. მასთან ერთად კიევში ჩავიდნენ სხვა მართლმადიდებელი ეკლესიების წარმომადგენლებიც. მათ შორის არის სრულიად საქართველოს პატრიარქი ილია მეორეც. კიევში ჩაიტანეს ანდრია პირველწოდებულის ჯვარიც, რომელმაც „სულიერი მხარდაჭერისთვის“ პირველად დატოვა საბერძნეთის ტერიტორია. დღეს კიევში ჩადის რუსეთის პრეზიდენტი ვლადიმირ პუტინი, ხოლო მთლიანად საზეიმო ღონისძიებები 29-30 ივლისს მინსკში დამთავდება.

რუსეთის პატრიარქის ბოლო ვიზიტებისას (სტამბოლში, პოლონეთში, ჩინეთში) აშკარად გამოჩნდა რუსეთის მართლმადიდებელი ეკლესიის სწრაფვა საერთაშორისო კავშირების გამყარებისკენ. კირილი ხვდება არა მხოლოდ სასულიერო პირებს, არამედ ქვეყნის საერო ხელმძღვანელებსაც. რუსეთის ხელისუფლება კი ეკლესიასთან პარტნიორულ ურთიერთობებს არც მალავს. ცოტა ხნის წინ პუტინმა რუსეთის მართლმადიდებელ ეკლესიას პირდაპირ უწოდა სახელმწიფოს ნამდვილი პარტნიორი სამინაო და საგარეო ამოცანების გადაწყვეტისას. მან, ფაქტობრივად, ხოტბა შეასხა კირილს და რუსეთის მართლმადიდებელ ეკლესიას.

კიევსა და მინსკში პატრიარქის და პრეზიდენტის ერთობლივი პოპულარული ვიზიტი უკრაინაში ბევრს აღიზიანებს და, სავარაუდოდ, უკმაყოფილოები ბელარუსშიც მოიქნებიან, ოღონდ ამ უკანასკნელებმა შეიძლება, თავისი აზრი იმდენად ლიად ვერ გამოხატონ. კირი-

ლის შესახებ უკრაინელები ამობენ, რომ ის გამოდის არა როგორც ეკლესიის მწყემსი, არამედ როგორც მიტინგზე სიტყვის წარმომთქმელი პოლიტიკოსი. უფრო მეტი პრეტენზიები აქვთ პრეზიდენტ პუტინის მიმართ. ბევრს არ მოსწონს, რომ პუტინი საზეიმო ღონისძიებებში და თან უცხოეთში მონაწილეობს არა როგორც მრევლის რიგითი წევრი, არამედ როგორც „სრულიად რუსეთის იმპერატორი“. ის გეგმავს, რუსეთის სახელმწიფო ჯილდოები გადასცეს უკრაინის მართლმადიდებელი ეკლესიის მეთაურებს „დიდი წვლილისთვის ხალხთა შორის მეგობრული ურთიერთობების განვითარებასა და სულიერი ტრადიციების განმტკიცებაში“.

უკრაინელებს უსაფრთხოების უზრუნველყოფის ზომებიც (სნაიპერები, ძალები, 5 ათასამდე მილიციელი) აღიზიანებთ და ისიც, რომ ეკლესიებში საზეიმო ღონისძიებებზე მრევლის რიგით წევრებს არ შეუშვებენ. დედაქალაქის ცენტრი გა-

დაკეტილი იქნება და შესვლა მხოლოდ საშვებით იწარმოებს.

ცალკე თემაა რუსეთის პრეზიდენტის და პატრიარქ კირილის „დაუძინებელი მტრები“ - ორგანიზაცია „ფემენი“. 24 ივლისს ქუჩაში ჩაუსაფრდნენ, სცემეს და კბილები ჩაუმტვრიეს ორგანიზაციის ერთ-ერთ ხელმძღვანელს და იდეოლოგს ვიქტორ სვიატსკის. მას, როგორც ჩანს, ტვინის შერყევაც აქვს და ყველაფერი კარგად არ ახსოვს, თუმცა თქვა, რომ სცემდა ორი ადამიანი რკინის ჯოხებით და კასტეტებით. დაემუქრნენ, რომ კაცებით დაიწყებენ და ქალბატონიც მივლენ. „ფემენი“ ამ თავდასხმას მუქარად და ორგანიზაციის დაშინების ღია მცდელობად აფასებს, თუმცა აცხადებენ, რომ გაჩერებას არ აპირებენ.

უკრაინაში ამ საზეიმო ღონისძიებების დროს ნაციონალისტების და პატრიოტების მხრიდან სკანდალებს ელიან. ამ ყველაფერს დანერგებით, ასევე პუტინის ვიზიტის პოლიტიკურ ნაწილს ჩვენ კიდევ შევხებით.

იპოვებთ ხალხმრავალი აქციები არმიის მეთვალყურეობით ბაიხართა

თამთა კახაძე
ივა შილაკაძე

ევგვიტის არმია აცხადებს, რომ „ძალადობისა და ტერორიზმის“ წინააღმდეგ ძალის გამოყენებას არ მოერიდება. პარასკევს ქვეყანაში ორი ურთიერთსაწინააღმდეგო მსვლელობა ჩატარდა. ერთი აქცია, რომელიც ორი დღის წინ თავდაცვის მინისტრმა აბდელ ფაჯახ ალ-სისიმ „დააანონსა“, ემსახურება არმიისთვის მეტი ლეგიტიმაციის მიცემას ტერორიზმთან საბრძოლველად. მან მხარდამჭერებს პარასკევს გამოსვლისაკენ მოუწოდა.

ხალხს გამოსვლისკენ მოუწოდა ორგანიზაცია „ტამაროდმა“. სწორედ მისი ხელმძღვანელობით ჩატარდა ერთი თვის წინ აქციები მურსის წინააღმდეგ, რომელსაც მოჰყვა კიდევ სამხედროების მიერ პრეზიდენტ მურსის გადაყენება. „ტამაროდმა“ ხალხს მოუწოდა, ისევე გაავსონ მოედნები და ქუჩები, როგორც ეს 30 ივნისს გააკეთეს.

სამხედროებმა განაცხადეს, რომ მათ არასდროს გამოუყენებიათ და არც გამოიყენებენ იარაღს ხალხის მშვიდობიანი აქციების წინააღმდეგ, მაგრამ ძალადობას და ტერორიზმის გამაფრთხილებს მკაც-

რად აღკვეთენ. კონკრეტულად პარასკევსთვის კი სამხედროები მონაწილედგებენ აფრთხილებდნენ, ახალი ხელისუფლების მომხრეთა მარშებისთვის ხელი არ შეეშალოთ. არმიის წარმომადგენლების განცხადებით, მათ აქვთ იმის რესურსი, რომ ქუჩაში გამოსული მომხრეები ყველა ქალაქში დაიკვან.

ეს ყველაფერი კაიროში და სხვა დიდი ქალაქებშიც დილიდანვე იგრძნობოდა. ქალაქში გამაცრელებული იყო უსაფრთხოების ზომები და, ფაქტობრივად, ყველგან იდგნენ პოლიციელები და სამხედროები. სტრატეგიულ ადგილებზე ქუჩებში ჯავშანტრანსპორტიორებიც დააყენეს.

ამას გარდა, სამხედროებმა „მუსლიმან მძებს“ 48 საათი მისცეს ხელისუფლების მიერ გამოცხადებულ „საგზაო რუკასთან“ შესაერთებლად. ეს გეგმა გულისხმობს კონსტიტუციაში ცვლილებების შეტანას რეფერენდუმის მეშვეობით და არჩევნების ჩატარებას ნახევარ წელიწადში. ულტიმატუმის ვადა დღეს, შაბათს, იწურება, თუმცა „მუსლიმან მძებს“ არაფერი ეტყობათ, რომ შეეშინდათ და ახალი მთავრობისთვის ფეხის აწყობას აპირებენ.

კაიროში ახალი ხელისუფლების მომხრეებმა შეკრება პარასკევს გამთენიისას დაიწყეს და დილისთვის „თახრილი“ უკვე თითქმის სავე იყო.

ტუნისში კოლიტიკოსის მკვლელობას გაფიცვა მოჰყვა

პირველი მკვრილი

პოლიტიკოსის მკვლელობით აღშფოთებული ხალხი ქუჩაში გამოვიდა ქვეყნის რამდენიმე ქალაქში დედაქალაქ ტუნისის ჩათვლით. არეულობის თავიდან ასაცილებლად ლაშქარის დასაშლელად პოლიციამ ცრემლსადენი გაზი გამოიყენა.

მოჰამედ ბრაჰიმის მკვლელობის შემდეგ ტუნისის უმსხვილესმა პროფკავშირებმა ხალხს საყოველთაო გაფიცვისკენ მოუწოდა. გაფიცვა გუშინ დაიწყო. მაგალითად, პარასკევს გაუქმდა ავიაკომპანია „ტუნისაირის“ ყველა რეისი. გაფიცვის წინ ტუნისის ყველა დიდ ქალაქში ხალხი ისევ შეიკრიბა ქუჩებში და მთავრობის გადადგომა მოითხოვა.

პრემიერ-მინისტრმა ალი ლარაედმა მკვლელობა დაგმო, თუმცა დასძინა, რომ მთავრობის გადადგომის წინააღმდეგია.

ბრაჰიმის მკვლელობა წელს ტუნისში ოპოზიციონერი პოლიტიკოსისთვის ანგარიშის ფიზიკურად

გასწორების უკვე მეორე შემთხვევაა. თებერვალში ასევე საკუთარი სახლის წინ დაცხრილეს შოქრი ბელიაიდი, პარტია „გაერთიანებული პატრიოტ-დემოკრატების“ ერთ-ერთი ლიდერი. მისმა მკვლელობამ მაშინ ქვეყანაში არეულობა და ასევე პრემიერ-მინისტრ ჰამადი ჯგბლის მთავრობის გადადგომა გამოიწვია (ამის შესახებ თავის დროზე წერდა „24 საათი“).

აჯანყებულ ტუნისში 2010 წლის ბოლოს ირრველი იყო ჩრდილოეთ აფრიკისა და ახლო აღმოსავლეთის ქვეყნების რევოლუციების სერიაში, რომელსაც „არაბული გაზაფხული“ ეწოდა.

მოჰამედ ბრაჰიმის თავისი პარტია „სახალხო მოძრაობა“ უკვე 2011 წლის რევოლუციის შემდეგ დააფუძნა. ის ასევე იყო ეროვნული დამფუძნებელი კრების წევრიც, რომელსაც ახალი კონსტიტუციის შემუშავება ევალება. ეს ორგანიზაციები პარლამენტის ფუნქციებსაც ასრულებს. ეროვნული დამფუძნებელი კრების გადაწყვეტი-

ლებით, პარასკევი დალუპული პოლიტიკოსის ხსოვნის დღედ გამოცხადდა.

მოჰამედ ბრაჰიმი არ იყო ისეთივე მნიშვნელოვანი პოლიტიკური ფიგურა, როგორც შოქრი ბელიაიდი, თუმცა ისიც მმართველი ისლამისტური პარტია „ან-ნაჰდადან“ მარცხნივ იდგა. ეს პარტია ქვეყნის სათავეში 2011 წელს პრეზიდენტ ზინ აბდინ ბენ ალის ჩამოადგების შემდეგ ჩატარებული არჩევნების შედეგად მოვიდა. ბენ ალი მანამდე ქვეყანას 20 წელზე მეტხანს ხელმძღვანელობდა.

ტუნისის მთავრობას უწევს, ეკონომიკური პრობლემებისა და ასევე ისლამისტ ფუნდამენტალისტების მხრიდან ექსტრემიზმის გამოვლენის შშირი შემთხვევების გამო ხალხის მასების სულ უფრო მზარდ უკმაყოფილებას გაუმკლავდეს. „ან-ნაჰდას“ ბევრ მონაწილედგეტყვის მიაჩნია, რომ მმართველი პარტია შეგნებულად უწყობს ხელს რადიკალ-ისლამისტურ მოძრაობებს.

გაერომ უკვე მოუწოდა არმიას მურსის გათავისუფლებისკენ. ბანკი მუნმა გვიგუბის ახალ ხელისუფლებას მოსთხოვა, ან დაუყოვნებლივ გაათავისუფლონ ექს-პრეზიდენტი მურსი და „მუსლიმანი“ ძმების სხვა ხელმძღვანელები, ან მათი საქმეები გადაუდებლად განიხილონ სასამართლოებში.

ევგვიტის ხელისუფლებამ ეს მოთხოვნა გაივალისწინა და გუშინ ევგვიტის მთავარმა პროკურორმა, გენერალური პროკურატურის მიერ დაწყებული კამოძიების ფარგლებში, მოჰამედ მურსის 15-დღიანი პატიმრობის განკარგულება გასცა. მას ოფიციალურად წაუყენეს ბრალდებები: ციხიდან გაქცევების მოწყობა, სახელმწიფო ლაღატი და რიგი ეკონომიკური დანაშაულებები. აღნიშნულის შესახებ სახელმწიფო ტელეარხი „მენა“ იუნყება. ამ დანაშაულთა უმრავლესობა იმ პერიოდს განეკუთვნება, როცა მურსი ჯერ პრეზიდენტი არ იყო და მუზარაქის რეჟიმის წინააღმდეგ იბრძოდა.

„მუსლიმანი ძმების“ წარმომადგენლებს ექს-პრეზიდენტისთვის წაყენებული ბრალდებები სასაცილოდ არ ჰყოფნით. ისინი აცხადებენ, რომ სამხედროები ევგვიტეში მუზარაქის მმართველობის სტილს აბრუნებენ.

„ბი-ბი-სის“ მიხედვით მოამზადა ივა შილაკაძემ

კინობრაუიტაცია

პირველი გვარდიან

ამის იმედს კი, პირველ რიგში ის საკონკურსო ფილმები გვაძლევს, რომელთა ჩამონათვალიც უკვე გამოქვეყნდა, მათ შორის საუკეთესოს კი 28 აგვისტოს გახსნილი ფესტივალის დასკვნით დღეს, 7 სექტემბერს დაასახელებენ.

ვიდრე საკონკურსო პროგრამას გაგაცნობთ, მანამდე ფესტივალის გახსნის ფილმზე გიამბობთ, მით უმეტეს, რომ მისი პირველი ოფიციალური ტრაილერი მხოლოდ ორი დღის წინ გამოჩნდა და უკვე მოახერხა მაყურებლის დაინტრიგება. ეს გახლავთ ალფონსო კუარონის „გრავეიტაცია“ - ფანტასტიკური ჟანრის სამგანზომილებიანი ფილმი, რომელიც, თუ რეჟისორის ფაქტორს გავითვალისწინებთ, მხოლოდ ფანტასტიკის ჟანრით არ შემოიფარგლება. სწორედ ალფონსო კუარონი გახლავთ დიდებული „კაცობრიობის პირმშოს“ რეჟისორი, რომლის შემდეგაც, უკვე 7 წელიწადია, მას არაფერი გადაუღია (შეგახსენებთ, რომ ასევე კუარონის გახლავთ „პარი პოტერი და აზკაბანის ტყვე“ და 1998 წლის „დიდი იმედები“). ამჯერად მექსიკური ნარმოშობის რეჟისორი კოსმოსში ინაცვლებს და დედამიწის ორბიტაზე მომუშავე ასტრონავტების კომპანიაში გვამყოფებს. ფილმს ორი ძირითადი გმირი ჰყავს - ჯორჯ კლუნისა და სანდრა ბალოკის პერსონაჟები, რომლებიც ტექნიკური გაუმართავობის გამო ღია კოსმოსში აღმოჩნდებიან. ასტრონავტებს ძალიან ცოტა ჟანგბადი აქვთ, მაგრამ უფრო ცოტა აქვთ გადარჩენის შანსი, რადგან დედამიწასთან კავშირი დაკარგეს, მწვანე პლანეტა კი ნელ-ნელა სულ უფრო პატარავდება. მიკლედ, ვენეციის პირველი დღის სტუმრებს ნამდვილად ელით ნერვიულობა, თუმცა სანერვიულო იმ ფილმების ავტორებს უფრო აქვთ, ვისაც საკუთარი ნამუშევრები ჟიურისა და მაყურებლის სამსჯავროზე გამოაქვთ.



„ნულოვანი თეორემა“

„გრავეიტაციის“ ტრაილერის პარალელურად კიდევ ერთი ფილმის პირველი კადრიც ვიხილეთ - ტერი გილიამის „ნულოვანი თეორემა“, რომელში სათამაშოდაც ბრიტანელმა რეჟისორმა ტილდა სუინტონი, კრისტოფ ვალცი, მეტ დეი-მონი, დევიდ ტუილისი და ბენ უიშოუ შეკრიბა. როგორც ფილმის ანოტაცია იუწყება, მაყურებელი ჯორჯ ორუელის „1984-ის“ მსგავს ტოტალიტარულ სამყაროში აღმოჩნდება, სადაც „დიდი ძმაც“ არის და მისთვის ინფორმაციის მიმწოდებელთა არმიაც არ ილევია. აღსანიშნავია, რომ 2009 წლს გამოსული „დოქტორ პარნასუსის ნარმოდგენარიუმის“ შემდეგ, რომლის გადაღების დროსაც მთავარი როლის შემსრულებელი, ჰიტ ლეჯერი გარდაიცვალა, „ნულოვანი თეორე-

მა“ გილიამის პირველი ნამუშევარია. სხვათა შორის, ამ ფილმის გადასაღებად მან ასევე მრავალჯანჯული პროექტი, „ადამიანი, რომელიც დონ კისოტი მოკლა“ შეაჩერა.

ბრიტანული კინოს ერთ-ერთ საუკეთესო ნარმოდგენელ, სტივენ ფრიზს ვენეციაში „ფილომენა“ ჩააქვს - დრამა ჯუდი დენჩისა და სტივ კუგანის მონაწილეობით. დენჩის გმირი, ფილომენა ლი მრავალი წლის განმავლობაში მონასტერში ცხოვრების შემდეგ საერო ყოფას უბრუნდება და ათწლეულების განმავლობაში დაკარგული შვილის ძებნას იწყებს. საინტერესოა, რომ ფილმი ცნობილი მწერლისა და ჟურნალისტის, მარტინ სიქსმიტის ნაწარმოებ „ფილომენა ლის დაკარგული შვილს“ ეფუძნება

და მთავარ გმირსაც (სტივ კუგანის პერსონაჟი) მარტინ სიქსმიტი ჰქვია, თუმცა რთული სათქმელია, არის თუ არა ეს ისტორია მისი ბიოგრაფიის ნაწილი.

5 წლიანი პაუზის შემდეგ ახალ ფილმს გვთავაზობს თანამედროვე ანიმეს ერთ-ერთი საუკეთესო ნარმოდგენელი ჰაიაო მიაძაკი. იაპონელ ანიმატორს ვენეციაში სრულეტრაჟიანი Kaze Tachinu (ითარგმნება დაახლოებით როგორც „ქარი ძლიერდება“) ჩააქვს. ანიმე თავად მიაძაკის მანგას ეფუძნება და იაპონელი კონსტრუქტორის, ძირო ხორიკოსის შესახებ მოგვითხრობს. აღსანიშნავია, რომ 2008 წელს გამოსული მიაძაკის „პონიო“ ასევე იყო ნომინირებული ვენეციის „ოქროს ლომზე“, თუმცა იმ წელს პირველობა არავის დაუთმო დარენ

არონოვსკის „რესლერმა“. მიაძაკის არც 2004 წელს გაუმართლა, როდესაც ვენეციაში „ჰაულის მოსიარულე სასახლე“ ჰქონდა ჩატანილი - „ოქროს ლომის“ მოთვინიერების პატივი მაიკ ლის „ვერა დრეიკს“ ერგო.

კორმაკ მაკარტის „ღმერთის შვილის“ ეკრანიზაცია გახლავთ საკონკურსო პროგრამის კიდევ ერთი ფილმი - მსახიობ ჯეიმს ფრანკოს მორიგი სარეჟისორო ნამუშევარი. ზოგადად ამერიკული კინო წლები ვენეციაზე საკმაოდ ვრცლადაა წარმოდგენილი: პიტერ ლენდსმანის „პარკლენდი“, ეროლ მორისის „უცნობი ნაცნობი“ (დოკუმენტური ფილმი დონალდ რამსფელდის შესახებ), კელი რეიჰარდის „ღამე მოძრაობს“, დევიდ გორდონ-გრინის „ჯო“ და ჯონათან გლიეზერის „კანს ქვეშ“.

იტალიურ კინოს წარმომადგენელი ამელიოს „უშიშარი“, ემა დანტეს „ქუჩა, კოშკი, დროშა“ და ჯან-ფრანკო როსის „წმინდა გრაალი“ (დოკუმენტური). აქვეა ფრანგული „ეჭვიანობა“ (რეჟისორი ფილიპ გარელი) და რამდენიმე ფრანგული კომპროდუქცია, მათ შორის, ამოს გიტაის „ანა არაბია“ და რამდენიმე სხვაც (მთელი პროგრამა იხილეთ ფესტივალის ოფიციალურ ვებგვერდზე).

შეგახსენებთ, რომ წლებიდან ფილმის ბერტოლუჩი უხელმძღვანელებს. „სიამოვნებით დავიკავებ ჟიურის თავმჯდომარის სავარძელს და რამდენიმე დღის განმავლობაში ვეზიარები იმ კინოსასწავლს, რომელსაც თანამედროვე კინემატოგრაფისტები მთელ მსოფლიოში ქმნიან. ამ როლში მეორედ ვიყავი - თავმჯდომარე 1983 წელსაც ვიყავი. მაშინ „ოქროს ლომი“ ჯან ლუკ გოდარს გადაეცემა ფილმისთვის „სახელი: კარმენი“. მაშინ ამ გადაწყვეტილების გამო ძალიან ამაყი ვიყავი და, იმედი მაქვს, სიამაყის მიზეზი წელსაც მექნება,“ - ამბობს კინოს პატრიარქი.

საარემას ოპერის დღეებში -

საქართველოსა და ესტონეთის თანამშრომლობა

ანა ნელსკიძე

საქართველოს კულტურისა და ძეგლთა დაცვის სამინისტროს ინიციატივით, 21-28 ივლისს, ესტონეთში, კუნძულ საარემასზე, საარემას ოპერის დღეებში“ მონაწილეობას იღებს სამი ოპერის თეატრი საქართველოდან - ზ.ფალიაშვილის სახელობის თბილისის ოპერისა და ბალეტის სახელმწიფო თეატრი, ბათუმის ოპერისა და ბალეტის თეატრი და ქუთაისის მელიტონ ბალანჩივაძის სახელობის ოპერის თეატრი. საქართველო საარემას ოპერის დღეებში“ ხელშეკრულების საფუძველზე ერთვება, რომელსაც საქართველოს კულტურისა და ძეგლთა დაცვის სამინისტროში, 2013 წლის 7 თებერვალს, ხელი მოაწერეს თბილისის ზ.ფალიაშვილის სახელობის ოპერისა და ბალეტის სახელმწიფო თეატრის მმართველმა გიორგი ჟორდანიამ და ფესტივალის ორგანიზატორი კომპანიის, ესტონეთის სახელმწიფო საკონცერტო ორგანიზაციის Eesti Kontsert“-ის დირექტორმა იური ლეიტენმა. ოპერის ფესტივალი საარემას კუნძულზე პირველად 1999 წელს გაიმართა. წლების განმავლობაში ფესტივალი პარტნიორობს მსოფ-



ლიოში ცნობილ ოპერის თეატრებთან; მასში მონაწილეობას იღებენ სახელგანთქმული სოლისტები და დირიჟორები. ყოველწლიურად ლონისიძეების სტუმართა რიცხვი იზრდება, გასულ ზაფხულს ფესტივალმა 12,000 ადამიანს უმასპინძლა. 2008 წლიდან ფესტივალის ორგანიზატორია ესტონეთის სახელმწიფო საკონცერტო ორგანიზაცია Eesti Kontsert“.

ვიზიტის ფარგლებში გუშინ კურესაარის ციხესიმაგრეში, საქართველოს კულტურისა და ძეგლთა დაცვის მინისტრმა გურამ ოდიშარიამ და ესტონეთის კულტურის მინისტრი რეინ ლანგიმ ხელი მოაწერეს ორ ქვეყანას შორის 2013-2016 წლებში კულტურული თანამშრომლობის შესახებ პროგრამას.

პროგრამა ითვალისწინებს ესტონეთის გამოცდილების გაზიარებას ქვეყნის კულტურის პოლიტიკის შემუშავებაში. ასევე, თანამშრომლობასა და დიალოგს მუსიკალურ, თეატრალურ და სხვა კულტურულ

ინსტიტუტებსა და ასოციაციებს, კულტურისა და ხელოვნების სფეროებში მოღვაწე პირებს შორის; მხარეები ხელს შეუწყობენ ესტონეთის და ქართველი შემოქმედი ადამიანებისა და ხელოვნთა ჯგუფების მონაწილეობას ორ ქვეყანაში ჩატარებულ საერთაშორისო ფესტივალებში, ლონისიძეებსა და კონკურსებში; პროგრამის ფარგლებში ერთობლივად იმუშავენ თანამედროვე პროზის, პოეზიისა და სხვა ლიტერატურული ნაწარმოებების მეორე ქვეყნის ენაზე თარგმნის ხელშეწყობის კუთხით; განავითარებენ კულტურული მემკვიდრეობის დაცვის სფეროში თანამშრომლობას; უზრუნველყოფენ მუზეუმებს შორის კავშირების დამყარებასა და გამოცდილების გაზიარებას; პროგრამა ასევე, ითვალისწინებს თანამედროვე ვიზუალური ხელოვნების, დიზაინისა და არქიტექტურის სფეროში თანამშრომლობას; მხარეები, საქართველოში ესტონური ფილმის დღეებისა და ესტონეთში ქართული ფილმის დღეების ფარგლებში, ხელს შეუწყობენ უშუალო თანამშრომლობას კინემატოგრაფიის დარგში, განხილული იქნება ფილმების ერთობლივი წარმოების შესაძლებლობებიც.

რაც შეეხება საოპერო მუსიკის პესტივალს. 22 ივლისს ბათუმის სა-

ხელმწიფო ხელოვნებისა და მუსიკის ცენტრი ფესტივალის მსმენელის წინაშე გაეტანო დონიცეტის დრამით ლუჩია დი ლამბრონი“ წარსდგა. მეორე დღეს თბილისის ზ.ფალიაშვილის სახელობის ოპერისა და ბალეტის სახელმწიფო თეატრი - ჯუზეპე ვერდის ოპერით რიგოლეტო“. მოგვიანებით კი ატილა“. ქუთაისის ბალანჩივაძეების სახელობის ოპერის სახელმწიფო თეატრმა ჯაკომო პუჩინის მადამ ბატერფლაი“ შეასრულა.

საფესტივალო პროგრამის ფარგლებში საქართველოდან ჩასულმა დასებმა ფესტივალის სტუმრებს ასევე წარუდგინეს ქართული ფოლკლორის საღამო. საოპერო დადგმების გარდა, თბილისის ოპერისა და ბალეტის თეატრმა გუშინ საღამოს საბალეტო დასი გააცნო აუდიტორიას. ფესტივალის დასრულებამდე დღეს გაიმართება გალა კონცერტის ვაგნერის და ვერდის 200 წლისთავისადმი მიძღვნილი. ამ კონცერტში მონაწილეობას იღებენ ქართველი და ესტონელი საოპერო სოლისტები, ასევე ზ.ფალიაშვილის სახელობის თბილისის ოპერისა და ბალეტის სახელმწიფო თეატრის, ვოკალისტები, მოცეკვავეები და ორკესტრი მასტრო ჯანლუკა მარჩიანოს დირიჟორობით.

„დილას“ მომავალი მატოქა ექვსიანებში ზის

პირველი გვარდია

თბილისში დანიურ „ოლბორგთან“ 3:0 მოგებული მატჩის შემდეგ, უეფას ევროპის ლიგის მეორე ეტაპის განმეორებით შეხვედრაში გორის „დილას“ შემდეგ ეტაპზე გასვლა პრობლემა რომ არ უნდა ყოფილიყო, ეს თბილისურმა მატჩმაც აჩვენა. გორელებს ანგარიშიც ხელს აძლევდა და თამაშის ის ხარისხიც, რომელიც ბევრისთვის მოსაწონი და იმედისმომცემი გამოდგა.

„დილაზე“ გაცემული ავანსი დანიამშიც გამართლდა. გორელებმა სკანდინავიურ კლუბთან შეხვედრა თავისთვის სასურველი ანგარიშით - 0:0 დაასრულეს და მზერა „ჰაიდუკისკენ“ მიაპყრეს, რომელმაც მაკედონიურ „ტურნოვოს“ სძლია (პირველი მატჩი 2:1 მოიგო, მეორეში 1:1 ითამაშა).



„დილა“ „ჰაიდუკისთვის“ ხორვატიაში ემზადება

„დილა“ VS „ოლბორგი“ სანახა-მიზეზი, ალბათ, ისიც იყო, რომ გობრივად დიდი ვერაფერი გამოდგა. რელებს „მიხეილ მესხზე“ პირველ

მატჩში მიღწეული შედეგი უმაგრებდათ ზურგს. მართალია, გორულ კლუბს რამდენიმე საგოლე მომენტი ჰქონდა, მაგრამ არა ისეთი, რომ გადაჭრით გაეთქვა, რეალური შანსი გაუშვეს ხელიდან. ქართველთაგან გოლის გატანის ყველაზე რეალური შანსი ჰქონდა მეცვლაზე შესულ კახა ალადაშვილს - 77-ე წუთზე ის შეეცადა მეკარისთვის ბურთი თავზე გადაეგდო. „ოლბორგი“ ხარიხამ იხსნა გოლისგან.

ევროპის ლიგის მესამე საკვალიფიკაციო ეტაპზე გასულ გორის „დილას“ 1 აგვისტოს სპლიტის „ჰაიდუკთან“ მოუწევს შეხვედრა (განმეორებითი მატჩი 8 აგვისტოსაა თბილისში).

გადაუღალავ ბარიერად არც „ჰაიდუკი“ მოჩანს. ხორვატულ კლუბთან წარმატების შემთხვევა-

ში, „დილა“ ზედზედ მეორე ფლეიოფში გავა.

კარგი იქნებოდა, „ჰაიდუკთან“ პირველ მატჩს გიორგი დევდარიანის გუნდი დისკვალიფიცირებულითა გარეშე შეხვედროდა - ალადაშვილმა „ოლბორგთან“ ორივე მატჩში გაფრთხილება მიიღო, რაც მას ხორვატებთან პირველ, გასვლით შეხვედრას გამოატოვებინებს.

სპლიტის „ჰაიდუკი“ ხორვატიის ერთ-ერთი ყველაზე ტიტულურანი კლუბია: ხორვატიის ექვსგზის ჩემპიონი (1992, 1994, 1995, 2001, 2004, 2005), ქვეყნის თასის ასევე ექვსგზის (1993, 1995, 2000, 2003, 2010, 2013) და სუპერთასის ექვსგზის (!) (1992, 1993, 1994, 1995, 2004, 2005) მფლობელი. არაფერს ვამბობთ, ყოფილი იუგოსლავიის ჩემპიონატში დაკავებულ ადგილებზე.

19-წლამდელები ევროპის ჩემპიონატს თურქეთში გამოიბა

გიბა ბურასაშვილი

საქართველოს 19-წლამდე ნაკრების თეორიული შანსი, გადაღობა ევროპის ჩემპიონატის ჯგუფური ეტაპი, თეორიულად დარჩა. თეორიულად ქართველებს თურქი თანატოლები უნდა დაემარცხებინათ, სერბებს კი - ფრანგები. საქართველო თურქეთთან 2:4 დამარცხდა, მეორე წყვილში კი ფრანგებმა 2:1 გაიმარჯვეს.

ერთი სიტყვით, არაფერი არ გამოვიდა. გია ცეცაძის გუნდს რომ მოეგო კიდევ, სერბეთისა და საფრანგეთის მატჩის ანგარიში ხელს მაინც არ აძლევდა.

საქართველოს 19-წლამდე ნაკრებისთვის სერბეთთან 0:1 წაგებული მატჩი საბედისწერო გამოდგა. ბაკლანალებთან მარცხის შემდეგ საქართველოს ნაკრების მთავარი მწვრთნელი გია ცეცაძე ამბობდა, ბოლო თამაშში აუცილებლად უნდა გაეიმარჯვოთ. სხვა თუ არაფერი, პრინციპის საკითხია, ევროპის ჩემპიონატზე ერთი თამაში მოვიგოთ. ფრეც გვექონდა (საფრან-



გეთთან ნულოვანი ფრე), წაგებაც და ახლა გამარჯვების დრო მოვიდა. ყოველ შემთხვევაში, ჩვენ მაქსიმალურად ვეცდებით.

მცდელობა იყო, მაგრამ თავს ზევით ძალა - არა.

საქართველოს 19-წლამდე ნაკრები ევროპის ჩემპიონატის ჯგუფური ეტაპის ბოლო მატჩში თურქეთთან დამარცხდა. არადა, შეხვედრა ისე დაიწყო, გარკვეული

იმედი ჩაგვესახა. გია ცეცაძის შეგირდებმა, ავთანდილ ენდელაძის წყალობით, მესამე წუთზე გახსნეს ანგარიში. თურქებმა გოლს გოლით უპასუხეს, მოგვიანებით კი ანგარიშში დაწინაურდნენ. დუბლი შეასრულა ოქან დენიზმა - მე-16 და მე-18 წუთებზე დალაშქრა ბაჩო მიქავას კარი.

პირველივე ტაიმში, 28-ე წუთზე, ანგარიშის გათანაბრების შანსი

ჰქონდა ნიკა კაჭარავას, მაგრამ მისივე წაქცევისთვის დანიშნული 11-მეტრიანი ვერ გამოიყენა. გამოუყენებელი პენალტი ნიკა კაჭარავამ მეორე ტაიმში აინაზღაურა - 50-ე წუთზე ონურჯან პირის კარში ბურთი შეაგდო და ანგარიში გაათანაბრა (2:2).

თურქებმა ისევ შეძლეს წინ გასვლა - 58-ე წუთზე რეჯეპ ნიაზმა გაიტანა გოლი (2:3).

76-ე წუთზე მთივლიშვილმა მეორე ყვითელი ბარათი მიიღო და მოედანი დატოვა. კაცნაკლულ საქართველოს ნაკრებთან თურქებმა თავიანთი უპირატესობა მე-80 წუთზე კიდევ უფრო გაამყარეს. ჩენკ შაჰინმა ორამდე გაზარდა სხვაობა - 4:2 საბოლოო ანგარიში აღმოჩნდა.

პარალელურად ჩვენი ჯგუფის მეორე დაპირისპირებაში საფრანგეთისა და სერბეთის 19-წლამდე ნაკრები ფრედ - 1:1 დასრულდა.

ნახევარფინალის საგზურები სერბეთმა და საფრანგეთმა მოიპოვეს. საქართველო ჯგუფში ბოლო ადგილზე გავიდა.

საქართველო: მიქავა, მთივლიშვილი, ჭანტურია (ცნობილად, 38), დვალი, სანდოხაძე (კ), უბილავა

(ზიგზივაძე, 74), სამუშია (ზარანდია, 59), ენდელაძე, მარკოზაშვილი, ფანცულაია, კაჭარავა.

მთავარი მწვრთნელი: გია ცეცაძე

თურქეთი: პირი, იაზიჩი, ჩინემრე, ჩალიკი, უჩანი, შაჰინი (გიუგენი, 82), იოკუმლუ (კ), ნიუაზი, აიღინი (ქოშკუნი, 59) თუფანი, დენიზი (ბაკიში, 84).

მთავარი მწვრთნელი: ოქან ბურუქი

გოლი: 1:0 ენდელაძე (3), 1:1 დენიზი (16), 1:2 დენიზი (18), 2:2 კაჭარავა (50), 3:2 ნიუაზი (58), 4:2 შაჰინი (80).

გაფრთხილება: მთივლიშვილი (22), ჩალიკი (23), უბილავა (25), მთივლიშვილი (76)

გაძევება: მთივლიშვილი (76) **28-ე წუთზე ნიკა კაჭარავამ პენალტი ვერ გამოიყენა.**

მთავარი მსაჯი: გედემინას მაჟეიკა (ლიტვა)

მ მ მ მ მ

	მ	მ	მ	მ	მ
1. სერბეთი	3	2	1	0	7
2. საფრანგეთი	3	1	2	0	5
3. თურქეთი	3	1	0	2	3
4. საქართველო	3	0	1	2	1

ჭაბა კანკავასთვის სამოგლობო სარიელი სიტყვა არ არის

დნეპროპეტროვსკის „დნიპროს“ საყრდენ ნახევარმცველს ჯაბა კანკავას ერთ-ერთმა ყველაზე გავლენიანმა და მსხვილმა უკრაინულმა სპორტულმა გამოცემა „კომანდამ“ (**Команда**) ჩამოართვა ინტერვიუ, რომელშიც უკრაინელთა ქართველი ლეგიონერი ამბობს, რომ საქართველოს ეროვნულ ნაკრებში სათამაშოდ ყოველთვის მზადაა. უკრაინის ჩემპიონატში მეორე ტურის შემდეგ ლიდერობს „დნიპრო“, რაშიც საქართველოს ეროვნული ნაკრების კაპიტანსაც მიუძღვის წვლილი.

- მარიუპოლში გამარჯვება უფრო ძნელი იყო თუ საკუთარ მოედანზე კიევის „არსენალთან“?

- რა თქმა უნდა, „ილიჩივეცის“ დამარცხება, თან მის ტერიტორიაზე ძნელი იყო. მარიუპოლელებს კარგი, ახალგაზრდული გუნდი ჰყავთ. ძალიან მონდომებული არიან და ერთმანეთის დაზღვევას ყოველთვის ცდილობენ. ამიტომ მათთვის ბურთის ართმევა ძნელია. ჩვენი უპირატესობა გოლად რომ გვექცია, ბევრი ოფლის ღვრა მოგვიხდა. გარდა ამისა, დღეს უკრაინის ჩემპიონატში სტუმრად მოგება ადვილი არ არის.

- ისეთი შთაბეჭდილება დარჩა, რომ ოქრიაშვილის წინააღმდეგ პერსონალურად მოქმედებით,



რადგან ხშირად გინედათ მასთან შეტაკება...

- ამას შეტაკებას ვერ დავარქმევდი. თორნიკეს წინააღმდეგ პირველად მომიხდა ბრძოლა. ის ტექნიკური და ძალიან სწრაფი ფეხბურთელია. როცა მისი გუნდი კონტრშეტევაზე გადადის. მისი დაჭერა ადვილი არ არის. თუმცა, ვფიქრობ, გა-

უმკლავდი და თავისი შესაძლებლობების ბოლომდე გამოვლენის საშუალება არ მივეცი. თუმცა, მარტო ოქრიაშვილის წინააღმდეგ არ ვმოქმედებდი - ბევრი სამუშაო მქონდა.

- ჩემპიონატის სტარტზე ორივე მატჩი თავიდან ბოლომდე ჩაატარეთ. მწვრთნელი ბოლომდე გენდობათ?

- რადგან ძირითადად მაყენებს და არ მცვლის, ესე იგი, მენდობა. თუმცა, ვიცი, რომ ძირითადად თამაშის უფლების მისაღებად ყოველ მატჩში ბოლომდე უნდა ვიბრძოლო. „დნიპროში“ კონკურენცია არანორმალურად მაღალია.

- სტატისტიკის თანახმად, თითოეულ მატჩში საშუალოდ ექვს-შვიდ ჯარიმას იღებ. იძულებითი რისკია?

- ჯარიმებს არ ვითვლი. ჩემთვის მთავარია, მეტოქე ისე შევაჩერო, რომ ყვითელი ან წითელი ბარათი არ მივიღო. მაღლობა ღმერთს, ჯერჯერობით სასჯელს გადავურჩი. უფრო სწორად, ზღვარს არ გადავსულვარ და მსაჯების პროვოცირება არ მომიხდენია.

- საკუთარ სათამაშო ფორმას როგორ შეაფასებთ?

- ეს მთავარმა მწვრთნელმა უნდა შეაფასოს. თუ ხუანდუ რამოსს შენიშვნა აქვს ან რამის თქმა უნდა, ვარჯიშის დროს ყველაფერს დანერღებით მიხსნის. იმის მიხედვით, თუ ვის ვეთამაშებით, ზოგჯერ მწვრთნელი ინდივიდუალურ დავალებას მაძლევს.

- ზოგიერთი სპეციალისტი ფიქრობს, რომ „დნიპროს“, რომელმაც კარგი სტარტი აიღო, სეზონის საშემოდგომო ნაწილზე ძალიან ეყოფა...

- ვერ გეტყვით, ამას რატომ ამბობენ. თავს საუცხოოდ ვგრძნობთ - ფეხები დარბიან, თავი კარგად მუშაობს, სხვა რა არის საჭირო? რამდენად გვეყოფა ძალა, ვფიქრობ, მხოლოდ ჩვენზეა დამოკიდებული. ფეხბურთი არის თამაში, რომელიც ყოველთვის ლოგიკურად არ მთავრდება და ყველაფერი შეიძლება მოხდეს. რაც შეეხება განვლილ გაზაფხულზე ჩვენს თამაშს, ჩავარდნაში დამნაშავე მხოლოდ ჩვენ ვართ. დარწმუნებული ვარ, ის გამოცდილება გამოგვადგება და დამიჯერეთ, სათანადო დასკვნები გავაკეთებ.

- მესამე ტურში მასპინძლობთ „ზარას“, რომელიც ჯერჯერობით გაორებულ შთაბეჭდილებას ტოვებს. „დნიპროს“ გამარჯვება გარანტირებული აქვს?

- წარმატებისთვის ყველაფერს ვაკეთებთ, მაგრამ იოლი თამაში არ გვექნება. მიუხედავად იმისა, რომ ლუგანსკელებმა საშინაო მატჩში ქულები დაკარგეს, ჩემი აზრით, ისინი კარგად თამაშობენ.

- საქართველოს ნაკრებში მინევა თქვენთვის სტიმულია?

- ვისთვის არ არის ეს სტიმული? ჩემთვის სამშობლო ცარიელი სიტყვა არაა. მზად ვარ, ეროვნულ ნაკრებში პირველი გამოძახებისთანავე ჩავიდე.

PHOTOGRAPHED BY FRED MEYLAN

ELITE MODEL LOOK CASTING 2013

N°1 MODEL SEARCH WWW.ELITEMODELLOOK.COM/GE

- 21 JULY KUTAISI Opera House 14:00 - 17:00
- 23 JULY GORI Gamarjveba Movie Theatre 14:00 - 16:00
- 26 JULY GURJAANI Cultural Centre 14:00 - 16:00
- 29 JULY ZUGDIDI Art Gallery 14:00 - 17:00
- 17 AUGUST BATUMI Hotel Intourist 14:00 - 17:00
- 18 AUGUST OZURGETI Theatre Hall 14:00 - 16:00
- 07 SEPTEMBER TBILISI Tbilisi Mall 14:00 - 18:00

2013
elite
MODEL LOOK
GEORGIA

